

四庫全書

史部

欽定四庫全書

史部

大事記續編卷六十九

詳校官檢討

臣朱依昊

編修

臣裴謙履勛

總校官編修

臣倉聖脉

校對官助教

臣胡予襄

謄錄監生

臣崔堂

欽定四庫全書

大事記續編卷六十九

明 王禕 撰

唐僖宗皇帝廣明元年春正月乙卯改元

以新紀修

奉寧軍

將劉漢宏反

新紀

淮南將張璘及黃巢戰于大雲倉敗

之

新紀

二月李國昌寇忻代二州河東軍亂殺其節度

使康傳圭

以通鑑新舊紀修

殺左拾遺侯昌業

以呂祖謙標目修

三月

庚午以金吾大將軍陳敬瑄為西川節度使

以呂祖謙標目修

辛未鄭從讜罷為河東節度代北招討使

以呂祖謙標目修

解題曰按實錄初李國昌方強屬大同軍軍儲不繼  
乃密引沙陀部攻殺段文楚遂據振武雲朔等州令  
其子克用合諸部侵忻代竇瀚李侶李蔚相繼鎮并  
部皆不能遏康傳圭為三軍所殺軍士益驕朝廷重  
於謀帥故輟從譙自輔臣臨制之餘見通鑑

以高駢為諸道行營都統

以舊紀及通鑑考異修

夏四月丁酉以

太府卿李琢為蔚朔招討都統

以新紀修

壬寅張璘克饒州黃

巢請降於高駢駢散諸道兵巢請戰五月璘敗死

以呂祖謙



修標目

解題曰按舊史駢傳駢怨朝議有不附已者欲賊縱橫河洛令朝廷聳振則從而誅之大將畢師鐸說駢妖亂百萬所經鎮戍若跡無人之境今朝廷所恃者都統破賊要害之地唯江淮為首彼衆我寡若不據津要以擊之北渡長淮何以振東中原蹈覆必矣駢駭然即令出軍有呂用之者以左道媚駢駢頗用其言懼師鐸等有功則奪已權從容謂駢曰明公勲業

高矣妖賊未殄朝廷已有間言賊若盪平則威望震  
主功居不賞公安稅駕耶為公良畫莫若觀釁自求  
多福駢然之乃止七月黃巢自采石北渡直抵天長  
時城內土客諸軍尚十餘萬皆良將勁兵議者慮狂  
賊有奔犯關防之患悉願盡力死戰然竟不議出軍  
巢遂至白馬初巢寇廣陵江東諸侯以駢屯數道勁  
卒居將相重任巢江海一逋逃耳固可折箠而擒之  
及聞安然度淮方鎮莫不解體

驚聽錄朝廷以駢名將黃巢必喪於淮海

尋淮南表至云今大寇忽至入臣封處未肯綿伏但以山東兵士屯駐揚州各思故鄉臣遂放去亦具聞奏非臣自專今詔書責臣無備不合放回武勇又告城危徵兵勞於往返臣今以寡擊衆已當數陣粗成勝捷不落姦謀固護一方臣必能了但慮寇設深計支吾官軍迤邐過淮朝廷速下明詔上委中書門下速與商量中書異議京國士庶浮謗日興云淮南與巢衷私通連自固城池放賊過淮案駢之情狀舊史盡之矣通鑑考異乃謂駢宿將豈不知賊過淮之後不可復制若怨朝廷有不附已者則尤欲破賊立功以間執讒慝之口若縱賊過淮適足實議者之言非所以消謗也藉使駢有意使賊震驚朝廷從而誅之賊入汝洛之後當晨夜追擊以爭功名豈得反坐守淮南數年逗遛不出兵乎又云恐成功不賞敗劬稍損威名夫大功既成則有不賞之懼豈有未戰不知勝負豫憂威望震主耶駢為都統控扼江淮而擁兵

縱賊使安然北渡其於威名獨無損乎雖用之淺謀無所不至駢自無叅酌一至此耶廬攜閹於知人致中原覆沒駢先銳後怯致京邑卽墟用之妖妄姦回致廣陵塗炭皆人所深疾故衆惡歸焉未必實然其說若反為駢解說何也

徵東方兵討劉漢宏

以通鑑脩

丙子以宣徽使李順融為樞

密使始用白麻

以通鑑脩

解題曰按林恩補國史德宗命神策監軍為中尉又

置六軍統軍為節制徊翔地上方姑息功臣實文場

元本作長後同

為中尉謂中尉古之重任不可以統軍為此

皆當麻制文場加官潛請宰相進內狀請准統軍例  
草制上不諦覽及翰林進白麻鄭絪密疏封王命相  
即降白麻付中書門下宣告罷節除統軍亦降白麻  
今中尉加官降白麻未知祇獎文場出自權宜為復  
以此為例上覽疏封制畱中謂文場曰高祖太宗創  
業內臣止於內侍諸衛將軍同正賜緋者六七十人  
自朝恩峻秩崇階因緣漸多我任卿不謂無私今更  
越舊規白麻除授天下謂卿有脅君意非優寵也文

場叩地待罪上取麻焚之下中書草詞自此罷鎮除

統軍亦不降麻制按文場以貞元十二年為中尉至

是八十三年而白麻復用

按孫光憲北夢瑣言闕尹置左右軍十二衛觀軍容

置樞密宣徽四院使擬於四相國朝會要唐宣徽南北院使掌總領內諸司及二班內侍之籍

六月黃巢陷婺睦宣三州

新紀

李琢率李可舉及吐谷

渾都督赫連鐸等討李國昌朔州降

以舊紀通鑑修

遣宗正少

卿李龜年使南詔

以通鑑修

秋七月黃巢陷滁和二州

新紀

發河南諸道兵屯澉水以泰寧節度使齊克讓為汝鄭

把截制置使

以通鑑  
舊紀修

解題曰泰寧節度使見乾元二年平盧淄青節度使

解題

劉漢宏降以為宿州刺史

以新紀  
通鑑修

李可舉大破李國昌

李琢攻蔚州國昌及克用奔韃靼以赫連鐸為大同防

禦使

以呂祖謙  
標目脩

解題曰按舊紀新五代史紀張昭遠功臣列傳朱耶

赤心以從破龐勛功拜單于大都護振武節度使賜

姓名李國昌沙陀素彊而國昌恃功益橫恣懿宗患之咸通十三年徙國昌雲州刺史大同軍防禦使國昌稱疾拒命乃以太僕卿盧簡方檢校刑部尚書雲州刺史大同軍防禦等使上召簡方謂之曰卿以滄州節鎮屈轉大同然朕以沙陀退渾撓亂邊鄙卿曾在雲中惠及部落且忍屈為朕此行具達朕旨安慰國昌勿令有所猜嫌國昌已拒命克用乃殺大同軍防禦使段文楚據雲中自稱留後康君立為雲中牙



校事防禦使段文楚時天下將亂代北仍歲阻饑諸部豪傑咸有嘯聚之志文楚法令稍峻軍食不給戍兵咨怨沙陀兵馬使李盡忠謂君立等曰段公儒者難與共事今四方雲擾丈夫不能於此時立事非人豪也李振武父子官高功大勇冠諸軍吾等合勢推之則代北之地旬月可定時克用

本文作武皇

為沙陀三

部落副兵馬使在蔚州盡忠令君立往圖之曰天子付將臣以邊事歲偶饑荒便削儲給我家安能守死

公家父子素以威惠及五部當共除虐帥以謝邊人  
克用曰予家尊在振武侯子稟命君立曰事機已泄  
遲則變生十二月夜盡忠帥牙兵攻牙城執文楚及

判官柳漢璋陳韜等繫之遂自知軍州事克用

本文作太

祖

與退渾突厥三部落衆萬人趨雲中十四年正月

至鬪雞臺械文楚等五人軍人亂食其肉克用權知  
留後三軍表請授克用大同防禦使懿宗不悅賜簡  
方詔曰李國昌久懷忠赤顯著功勞朝廷寵遇實寡

比倫昨徵發兵師又令克讓

克用之弟

將領惟嘉節義固

絕嫌疑近知大同軍不安殺害文楚國昌男克用主  
領兵權事雖出於一時心豈忘於長久文楚若實刻  
剥但可申論遽加慘毒殊可驚駭若克用暫勿主兵  
務束手待朝廷除人則事出權宜不足猜慮若便欲  
奄有大同則患繫久長固難依允料國昌效節必當  
已有指揮如卿兩任恩及國昌父子宜殷勤譬曉劈  
析指明切令大節無虧勿使前功併棄簡方諭之國

昌不奉詔乃詔太原節度使崔彥昭幽州節度使張

公素出師討之

通鑑載國昌上言乞朝廷速除大同防禦使若克用違命臣請帥本道兵

討之終不愛一子以負朝廷此出於唐史臣文飾之辭非事實也

三月以簡方為單

于大都護振武節度麟勝等州觀察等使簡方至嵐州卒軍潰由是沙陀侵掠代北為邊患矣乾符元年

十一月以宣慰沙陀六州部落

徐無黨注五代史六州三部部落皆不見其

名處今按舊紀沙陀薩葛安慶即三部落六州未詳

檢校兵部尚書李鈞為靈

武節度初鈞父業鎮太原能安集代北部落時國昌

父子據大同振武吐渾契苾幽州諸道之軍攻之不利故假鈞節鉞率師招諭之拜克用大同軍防禦使居久之國昌出擊党項吐渾赫連鐸襲破振武克用聞之自雲州往迎國昌而雲州人亦閉關拒之國昌父子無所歸掠蔚朔間得兵三千國昌入保蔚州克用還據新城四年十月詔昭義李鈞幽州李可舉吐渾赫連鐸白義誠沙陀安慶薩葛部落合兵討國昌父子於蔚州五年正月丁酉朔李盡忠陷遮虜軍八

月沙陀陷岢嵐軍十一月以河東宣慰使權知代北  
行營招討崔季康檢校戶部尚書充河東節度使代  
北行營招討使沙陀攻石州季康救之十二月季康  
北面行營招討使李鈞與克用戰于洪谷王師大敗  
鈞中流矢而卒廣明元年正月沙陀進逼忻州二月  
逼太原節度使康傳圭遣大將拒之於秦城驛為沙  
陀所敗三月沙陀寇忻代四月丁酉以檢校吏部尚  
書李琢為光祿大夫檢校尚書右僕射御史大夫充

蔚朔等行營都招討使應東北面行營李孝昌李元  
禮諸葛爽王重榮朱玫等兵馬及忻代州土團並取  
琢處分六月李琢李可舉赫連鐸等軍討克用於雲  
州時克用大將傅文達守蔚州高文集守朔州鐸遣  
人說文集令歸國文集與沙陀首領李友金薩葛都  
督米海萬安慶都督史敬存以蔚州歸款於琢克用  
率衆禦燕軍於雄武軍九月沙陀三部落李友金等  
開門迎天軍克用亟來赴援可舉追至藥兒嶺大敗

之李琢赫連鐸又敗之于蔚州降文達克用部下皆潰獨與國昌及諸兄弟北入韃靼部乃以赫連鐸為雲州刺史大同軍防禦使白義誠為蔚州刺史薩葛米海萬為朔州刺史加可舉檢校司徒同平章事今按克用以咸通十三年執段文楚十四年據雲州為畱後至廣明元年敗奔韃靼首尾八年舊紀所載差為詳備通鑑因新紀乃於乾符五年始書克用殺段文楚考異又云克用既殺段文楚豈肯晏然安處必



更侵擾邊陲朝廷亦須發兵徵討而自乾符四年以

前皆不見其事

舊五代史列傳新史附傳韃靼靺鞨之遺種本在奚契丹之東北奚契丹

漸盛多為攻劫部衆分散或屬契丹或依渤海漸徙陰山語訛謂之韃靼咸通末有首領部帳於漢南勝兵三萬從朱耶赤心討龐勛其後李國昌父子亡韃靼後從克用入關破黃巢由是牙於雲代之間恣其畜牧石定史京輔黃圖咸通九年康承訓乞沙陀三部落使朱耶赤心及達觀契苾酋長各帥其衆以自隨韃靼達觀同是靺鞨之遺種其後別部居陰山者自號韃靼一居黑水一居白山承訓引達觀之兵以敗龐勛克用引韃靼之衆以勦黃巢

九月忠武將周岌殺其節度使薛能自稱留後

以通修齊

克用還兗州屯兵散冬十月黃巢陷申州

以新舊紀修

十一

月甲寅以劉漢宏為浙東觀察使

以通鑑修

河中都虞候王

重榮逐其節度使李都以為權知留後

以新紀通鑑修

壬戌護

軍中尉田令孜為諸道兵馬制置招討使忠武監軍楊

復光副之

以新紀修

丁卯黃巢陷東都

以呂祖謙標目修

以周岌為

節度使岌以忠武牙將秦宗權為刺史

以呂祖謙標目修

十二

月壬午黃巢陷潼關

以呂祖謙標目修

王重榮降于黃巢

以通鑑修

甲申盧攜貶分司東都尚書左丞王徽為戶部侍郎戶

部侍郎裴澈為工部侍郎同平章事攜自殺

以新舊紀修

行

在咸陽

以呂祖謙標目修

丙戌黃巢陷西京大殺宗室壬辰稱

齊帝改元

以新紀修

夏綏節度使諸葛爽屯櫟陽丙申降于

黃巢

以新紀脩

鳳翔節度使鄭畋舉兵討賊

以呂祖謙標目修

丁酉

帝次興元

以新紀修

庚子黃巢殺豆盧瑑崔沆于琮劉鄴等

將作監鄭綦庫部郎中鄭係死之

以舊紀通鑑修

義武節度使

王處存舉兵入援

以通鑑修

王重榮復拒黃巢巢遣其將朱

溫擊之重榮大破之

以通鑑修

唐僖宗皇帝中和元年春正月帝出居于興元

以春秋修

壬

子帝如成都

以新紀修

壬申兵部侍郎蕭遘為工部侍郎同

平章事

以新紀修

二月己卯朔太子少師王鐸為司徒門下

侍郎同平章事

以新紀修

加高駢太尉東面都統

以通鑑修

三月

辛亥黃巢將朱溫陷鄧州

以新紀通鑑修

辛酉鄭畋為京城西

面行營都統

解題曰按新史紀傳舊紀皆作西面通鑑作四面筆

之悞也

畋請以涇原節度使程宗楚為副都統前朔方節度使

唐弘夫為行軍司馬黃巢遣將寇鳳翔弘夫大敗之于

龍尾陂

以新傳  
通鑑修

解題曰龍尾陂在鳳翔府岐山縣東十五里

王徽罷

以新紀  
修

諸葛爽以河陽降以為節度使

以新紀  
通鑑修

夏

四月以宥州刺史拓跋思恭權知夏綏節度使

以呂祖  
謙標目

修

解題曰此西夏之先也

程宗楚唐弘夫薄長安壬午黃巢遯于灞上還襲宗楚

弘夫殺之

以新紀修

以王重榮為節度使

以通鑑修

赦李國昌克

用以討黃巢

以新紀修

六月戊戌鄭畋為司空門下侍郎同

平章事

以新紀修

李克用陷忻代二州自稱大同畱後

以新紀通

鑑考異修

秋七月丁巳改元

以新紀修

庚申兵部侍郎韋昭度同

平章事

以新紀修

田令孜殺左拾遺孟昌圖

以新紀修

八月己丑

夜星交流如織大如杯碗至丁酉乃止

以通鑑修

感化軍將

時溥殺其節度使支詳自稱畱後

以新紀通鑑修

解題曰按方鎮表咸通三年罷武寧軍節度使十一年號感化軍節度使通鑑合書感化軍將乃云武寧軍將誤也今從新紀餘見三年解題

以秦宗權為奉國防禦使

通鑑

霍丘鎮使王緒陷壽光

二州以王潮為軍正

以新紀舉要  
歷補遺修

以拓跋思恭為節度

使

以通鑑修

石鏡將董昌據杭州

以呂祖謙  
標目修

解題曰石鏡在臨安府臨安縣

昭義軍將成麟殺其節度使高潯戍將孟方立殺麟自

稱留後尋以為節度使

以新紀新五代史列傳修

解題曰按五代史列傳方立聞亂引兵自天井入據

潞州唐因以為昭義節度使又舊史列傳方立入潞

州自稱留後以潞州地形險阻屢篡主帥人心勁悍

將漸弱之乃以邢州為府遷昭義軍於龍岡

舊史列傳孟方

立遷昭義軍於龍岡其大將及富室之家皆遷徙以  
監軍祁審誨知潞州潞人憤怒審誨因人怨咨令牙  
將安居受陰乞師於李克用克用遣李克修將兵赴  
之方立出師大敗由是連收澤潞二郡以克修為節  
度使昭義自劉悟有澤潞磁邢洛五州至是始分為兩鎮



冬十月天平節度使曹全晟與賊戰死之其兄子存實

自為留後

以通鑑修

鳳翔行軍司馬李昌言逐鄭畋十一月

以昌言為節度招討使畋及裴澈罷

以新紀修

十二月安南

戍將閔頊逐湖南觀察使李裕自稱留後

新紀

以時溥

為節度使

以通鑑修

唐僖宗皇帝中和二年春正月帝出居于成都

以春秋修

高

駢罷都統以王鐸為諸道行營都都統承制封拜

以新紀修

以王處存拓跋思恭鄜延節度使李孝章為京城東北

南面都統

以新紀修

二月己卯太子少傅分司東都鄭畋為

司空門下侍郎同平章事

以新紀修

朱溫陷同州

以通鑑修

以李

昌言為京城西面都統

以新紀修

三月邛州蠻阡能反

以新紀修

夏四月撫州刺史鍾傳陷洪州自稱江西畱後

以新五代史列

傳修

五月高駢罷鹽鐵轉運使貢賦遂絕

以列傳通鑑修

六月己

亥荆南監軍朱敬玫殺其節度使段彥謨少尹李燧自

稱畱後

以新紀修

秋八月劉漢宏軍西陵董昌遣將錢鏐大

破之

以通鑑修

韓簡陷河陽

以新紀通鑑修

九月丙戌朱溫以同州

降以為同華節度使

以呂祖謙  
標目修

解題曰按新史列傳忠武監軍楊復光率陳蔡兵萬人屯武功王重榮與連和擊賊將李詳於華州執以徇賊使尚讓來攻而朱溫將勁兵居前敗重榮兵於西關門於是出兵夏陽掠河中漕米數十艘重榮選兵三萬攻溫溫懼悉鑿舟沉于河遂舉同州降復光欲斬之重榮曰今招賊一切釋臯且溫武銳可用殺之不祥表為同華節度使詔即副河中行營招討賜

名全忠巢喪二州怒甚將精兵數萬壁梁田

在京北府渭南

縣西五代史作良天陂

重榮軍華陰復光軍渭北犄角攻之賊

大敗執其將趙璋巢中流矢走餘見通鑑

崔鷗曰皇甫嵩不斬

董卓張守珪不誅安祿山王重榮不斬朱溫無不受之過也

嶺南西道軍亂逐其節度使張從訓平盧將王敬武逐

其節度使安師儒自稱留後

以新紀通鑑修

冬十月賊帥韓秀

昇斷峽江路

以通鑑修

韓簡攻鄆州殺曹存實詔以都將朱

宣為天平留後

以通鑑修

解題曰新史列傳作宣注云今流俗以宣弟瑾於名加玉者非也事見通鑑

賜朱溫名全忠

以呂祖謙  
標目修

楊復光招李克用討黃巢

呂祖

謙標  
目

十一月黃巢以華州降

以通  
鑑修

朱敬玫以衙將陳儒

為荆南留後

以新紀  
通鑑修

十二月以忻代等州留後李克用

為鴈門節度使

以通  
鑑修

解題曰通鑑考異曰中和元年赦其辜復為大同防

禦使及陷忻代自稱留後朝廷再召之始除鴈門新

表中和二年更大同為鴈門節度以忻代二州隸鴈門徙治代州明年更為代北節度餘見開元九年天兵軍解題

孟方立遷昭義軍於邢州

以通鑑修

是歲廬州將楊行密逐

刺史郎幼復和州刺史秦彥逐觀察使竇滔自立

以新紀通

鑑修

唐僖宗皇帝中和三年春正月帝出居于成都

以春秋修以

李克用為京城東北面行營都統乙亥王鐸罷

以新紀通鑑修

解題曰按新史列傳先是諸將雖環賊莫肯先及鐸  
檄至號令殷然士氣皆起爭欲破賊故巢戰數蹙田  
令孜策賊必破欲使功出於已乃構鐸於帝罷為檢  
校司徒以義成節還屯鐸功危就而讒見奪然卒因  
其勢困賊數月復京師策勲居關東諸鎮第一

以田令孜為十軍十二衛觀軍容使

以列傳通鑑修

王景崇卒

其子成德節度副使鎔自為留後

以通鑑修

二月壬子李克

用及黃巢將尚讓戰于梁田陂大破之

以通鑑修

黃巢襲據

華州

以通鑑修

諸葛爽取河陽

以通鑑修

魏博軍亂殺其節度使

韓簡其將樂彥禎自稱留後

以新紀修

解題曰按新史列傳允中再世凡十二年吳縝糾繆

韓君雄咸通十一年有魏博至中和三年實十四年

云十二年誤也

以陳儒為留後

以通鑑修

三月壬申李克用敗尚讓于零口

以新舊紀修

以楊行愍為廬州刺史

以呂祖謙標目修

己丑以朱全

忠為宣武節度使

以呂祖謙標目修



解題曰此梁植根之始也

癸巳李克用取華州

以通鑑修

眉州防禦使高仁厚平韓秀

昇

以通鑑修

夏四月李克用敗黃巢于渭橋復京師巢遁

以呂

祖譙標  
目修

解題曰按舊紀楊復光露布王重榮屯田待敵率土

當衝收百姓十萬餘家降賊黨三萬餘衆自收同華

進逼京師李克用自遣本軍南下與臣同力前驅今

月八日遣前鋒楊守忠等三十二都隨克用自光泰

門先入京師又遣河中將劉讓等七十都繼進賊尚有堅陣來抗官軍李克用率勵驍雄整齊金革楊守宗等齊驅直入合勢夾攻自外至申羣兇大潰自望春宮蹙殺至昇陽殿合圍其賊即時奔遁散入商山自收平京國三面皆立大功若破敵摧兇鴈門實居其首其餘將佐同効驅馳餘見通鑑

五月奉國節度使秦宗權降于黃巢六月圍陳州

以新紀通

修鑑

解題曰奉國軍節度使見至德元年淮南節度使解題

以嶺南將劉譙為封州刺史

以通鑑修

秋七月以李克用為

河東節度使

解題曰此後唐植根之始也

鄭畋為司徒東都留守鄭從謹為司空同平章事

以呂祖謙

標目 驍衛上將軍楊復光卒

以通鑑修

以王鎔樂彥禎朱宣

為節度使

以通鑑修

鄭畋罷兵部尚書裴澈同平章事

以新紀修

八月以李國昌為代北節度使

以通鑑修

以閔頊為欽化節

度使

以通鑑修

解題曰欽化節度使見大歷四年湖南解題

九月以時溥為東面兵馬都統

以新紀修

解題曰按方鎮表感化軍光化元年始復為武寧軍  
未幾復為感化新史書武寧軍節度使時溥誤也

以陳儒為節度使

以通鑑修

冬十月辛亥李克用據潞州

以呂

祖謙標

目修

解題曰此克用規度之始也

以宗室女為公主妻南詔

以通鑑修

劉漢宏軍西陵錢鏐大

破之

以通鑑修

十一月西川行軍司馬高仁厚平阡能

以新紀通

修鑑

十二月忠武大將鹿晏弘逐山南西道節度使牛勗

自稱留後

以新紀通鑑修

以劉漢宏為義勝節度使

以通鑑修

解題曰義勝節度使見乾元元年浙江東西道解題

朱全忠據亳州

以通鑑修

解題曰此全忠規度之始也

唐僖宗皇帝中和四年春正月帝出居于成都

以春秋修朱

全忠求救於李克用

以通鑑修

三月甲子東川節度使楊師

立反尋以高仁厚為留後討之

以呂祖謙標目修

夏五月朱全

忠敗黃巢

以新紀修

李克用敗黃巢還過汴朱全忠襲之克

用遁

以稽古錄修

解題曰按舊史紀克用班師甲戌次汴州朱全忠館

克用于上源驛

煬帝開汴河於此州起手因以上原名驛

以克用兵力寡

弱遂圖之實錄克用次汴州駐軍近郊全忠請館于

上源驛乃以腹心三百餘自衛全忠以克用兵從簡少大軍在遠謀害之是夜置酒宴罷以兵圍驛縱火焚之舊五代史後唐武皇紀曰班師過汴汴帥迎勞於封禪寺請武皇館於上源驛是夜張樂陳宴席武皇酒酣戲諸侍婢與汴帥握手叙破賊事以為樂汴帥素忌武皇乃與其將楊彥洪密謀竊發攻傳舍通鑑考異謂全忠是時所與為敵者非特患克用一人蓋克用恃功輕慢全忠出於一時之忿耳夫克用乘

醉任氣固其所失然以為全忠素無忌克用之心亦非也餘見通鑑

六月楊師立伏誅以高仁厚為東川節度使

以呂祖謙  
標目修

秋七月黃巢伏誅

新紀

李克用請討朱全忠不許封隴

西郡王以悅之

以呂祖謙  
標目修

解題曰孫甫曰巢賊之平克用為功臣之首全忠出於巢黨力屈來降王鐸崇獎過分已受同華節帥又與宣武大鎮克用追賊全忠密謀殺害克用既免不



舉兵報怨奏對甚得人臣之體以降賊害功臣是賊心不悛況帥宣武未久若乘克用兵鋒詔近鎮助之破之必矣兇賊既除諸鎮亦未必敢為相噬之計天下或未至橫流也一失此機諸鎮交亂巨盜肆逆末如之何矣事見通鑑

八月以李克脩為昭義節度使

以通鑑修

解題曰李克用既請以麟朔蔚三州隸河東又請克修節度昭義其規置益廣矣

徐無黨曰昭義軍跨山東西管五州至是澤潞

入晉邢沼磁孟氏據之故有兩昭義按此後山東三  
州自號邢沼節度以別之及天復元年復合為昭義  
軍

冬十月蕭遘為司空

新紀

十一月鹿晏弘陷許州周岌

走晏弘自稱忠武留後以為節度使

以實錄修

解題曰以晏弘為節度使他書不見惟實錄云晏弘  
棄興元歸鄉里周岌聞其至遁去晏弘自稱留後朝  
廷因以節旄命之今載于此

十二月盜殺義昌軍節度使王鐸

新紀

福建團練副使

陳巖逐其觀察使鄭鑑壬寅以為觀察使

以通鑑修

解題曰按方鎮表開元二十一年置福建經畧使領  
福建漳泉治福州二十二年增領汀漳潮隸嶺南乾  
元元年改為都防禦使上元升為節度使大厯廢置  
都團練觀察處置使乾寧升威武軍

李昌言卒以其弟昌符為鳳翔節度使

以通鑑修

武昌軍將

杜洪陷岳州

新紀

唐僖宗皇帝光啓元年春正月帝出居于成都

以春秋修荆

南行軍司馬張環逐其節度使陳儒自稱留後

以通鑑修

三

月丁卯帝至自成都已巳改元

以新紀修

解題曰按舊紀時李昌符據鳳翔王重榮據蒲陝諸  
葛爽據河陽洛陽孟方立據邢洺李克用據太原上  
黨朱全忠據汴滑秦宗權據蔡許時溥據徐泗朱宣  
據鄆齊曹濮王敬武據淄青高駢據淮南八州秦彥  
據宣歙劉漢宏據浙東皆自擅兵賦迭相吞噬朝廷  
不能制江淮轉運路絕兩河江淮賦不上供但歲時

獻奉而已國命所制者山南劔南嶺南西道數十州  
大約郡將自擅常賦殆絕藩侯廢置不自朝廷王業  
於是蕩然

秦宗權稱帝以時溥為四面行營都統討之

以通鑑修

蕭邁

為司徒韋昭度為司空

新紀

夏四月田令孜兼兩池權

鹽使五月徙王重榮為泰寧節度使王處存為河中節

度使

以呂祖謙  
標目修

解題曰按新史列傳田令孜惡克用與重榮合建言

不可處近輔請授王處存河中而徙重榮則易定孤  
矣帝從之餘見通鑑

上尊號

以舊紀修

六月盧龍軍將李全忠殺李可舉自稱留

後

以新紀通鑑修

壬戌秦宗權陷東都

新紀

秋七月乙巳殺右

補闕常濟

新紀

解題曰范祖禹曰殺諫臣者其國必亡故侯昌業孟  
昭圖常濟皆以諫死而唐亡之兆著矣何必天變等  
字之為妖乎夫忠臣欲救社稷之危人君不惟棄其

言而又戮其身不祥莫大焉此其國所以為墟也事

見通鑑

義昌軍亂逐其節度使楊全玖立衙將盧彥威為留後

以通鑑修

解題曰義昌軍見貞元三年橫海節度解題

以陳州刺史趙犖為蔡州節度使

以通鑑修

王重榮不受命

九月詔遣朱玫李昌符攻之冬十一月李克用救河中

解題曰按新史列傳重榮上書劾令孜離間方鎮令

攷遣朱攷進討壁沙苑重榮詔克用書且言奉密詔  
須公到使我圖公此令攷朱攷之惑上也因示偽詔  
克用方與全忠有隙信之請討全忠及攷餘見通鑑

十二月癸酉敗攷昌符于沙苑乙亥克用逼京師丙子

帝幸鳳翔

以新紀呂祖  
謙標目修

是歲王緒至漳州王潮執之圍

泉州

以舉要歷  
補遺修

唐僖宗皇帝光啓二年春正月李克用請誅田令攷戊

子令攷劫帝西幸

以通鑑修

二月鄭從讜為太傅

新紀

三月



丙申帝次興元

以新紀修

戊戌御史大夫孔緯兵部尚書杜

讓能並為兵部侍郎同平章事

以新紀修

以神策軍使王建

遙領壁州刺史

通鑑

解題曰將帥遙領州鎮自此始

陳敬瑄害高仁厚

以通鑑修

夏四月壬子朱玫以嗣襄王煜

入于京師以田令孜為西川監軍事樞密使楊復恭為

左神策中尉出王建為利州刺史

以呂祖謙標目修

五月朱玫

自加侍中大行封拜

通鑑

解題曰按新舊史列傳僖宗倉卒出城夜中百官不及扈從致怒令攷弄權并望帝不諒其心謂蕭遘曰上奔播六年中原士庶與賊血戰肝腦塗地十室九空比至收復京都遺老殘民方喜車駕還宮上曾不念以諸侯勤王功為敕使之寵今姦臣與國生事召戎結怨昨奉指蹤徑來奔問不蒙見信翻類脅君羣臣報國極矣戰力殫矣安能垂頭塌翅惴惴於閤寺之手哉喪君有君公徐思其宜改圖可也遘曰上臨御

十餘年未聞過行顧為令攷掣肘每言流涕數行下  
昨去陳倉上無行意令攷陳兵迫行不容俟且公誠  
有憂王室意止有歸兵還鎮拜表迎鑒改圖之言未  
敢聞命攷曰李家王子極多有天下者豈一王哉邁  
曰廢立危事伊霍尚貽後悔如公始謀未見其利攷  
退曰我擇一王為帝不從者斬乃立嗣襄王請邁為  
冊文苦辭乃命鄭昌圖為之攷滋不悅及還長安以  
昌圖為相署邁太子太保乃移病滿百日退居河中

之永樂縣餘見通鑑

六月詔以扈蹕都將楊守亮為金商節度使與王重榮

李克用討朱玫

以通鑑修

解題曰金商節度使見至德元年南陽節度使解題  
新表光啓元年升金商都防禦使為節度使是年罷  
誤也

淮西將黃皓殺欽化節度使閔頊衡州刺史周岳陷潭

州自稱節度使

以新紀修

秋七月戊寅秦宗權陷許州殺鹿

晏弘

以新舊紀修

以周岳為武安節度使李全忠為盧龍節

度使八月全忠卒其子匡威自稱留後

以通鑑新紀傳修

解題曰全忠為節度使通鑑不載舊史云光啓元年

春誤也新史云為節度使未幾卒今因命周岳併書

之

王潮陷泉州以為刺史

呂祖謙標目

冬十月丙午朱玫等立

嗣襄王煜為帝改元

以呂祖謙標目修

諸葛爽卒其子仲方自

稱河陽留後

以新紀修

朱全忠陷滑州

新紀

十一月錢鏐克

越州

通鑑

十二月辛酉王行瑜斬朱玫以降焜奔河中

尋伏誅

以舊紀通鑑修

台州刺史執劉漢宏降董昌昌自稱浙

東觀察使以錢鏐知杭州

以新紀通鑑修

秦宗權將孫儒陷河

陽自稱節度使

以通鑑修

是歲天平衙將朱瑾逐齊克讓自

稱秦寧留後杜洪陷鄂州自稱武昌留後詔並以為節

度使

以新紀通鑑修

唐僖宗皇帝光啓三年春正月帝出居于興元

以春秋修

靜難軍將王行瑜為節度使

解題曰靜難見大歷三年邠寧節度使解題

扈蹕都頭李茂貞領武定節度使金商節度使楊守亮

為山南西道節度使

以通鑑修

解題曰武定節度使見大歷二年山南西道解題

辛巳以董昌為浙東觀察使錢鏐為杭州刺史

以通鑑

二

月戊辰流田令孜于端州不果行

以通鑑修

李國昌卒

以新史列

傳三月癸未蕭邁裴澈等伏誅

以新史修

壬辰帝幸鳳翔

以呂

祖謙目修標

鄭從謹罷

以新史修

鎮海軍將劉浩逐其節度使周

寶度支催勘使薛朗自稱知府事

紀新修

王建據閬州

通以

鑑修

夏四月秦宗權遣將攻汴州朱全忠大破之

綱以朱熹修

解題曰此全忠之所以卒滅宗權也

甲子淮南兵馬使畢師鐸陷揚州執高駢

紀新修

五月丙

申秦彥入于揚州揚行密攻之

鑑以通修

秦宗權陷鄭州六

月陷孟州河陽將李罕之入于孟州張全義入于東都

紀新修

己酉李昌符反庚戌犯大安門不克奔隴州以李

茂貞為招討使

紀新修

甲寅河中衙將常行儒殺王重榮



詔以重榮弟陝虢節度使重盈為護國節度使

以通鑑修

解題曰護國節度使見上元二年河中節度使解題

秋七月李昌符伏誅八月以李茂貞為鳳翔節度使

以新

紀修

韋昭度為太保

新紀

九月戶部侍郎張濬為兵部侍郎

郎同平章事

以新紀修

秦彥殺高駢

通鑑目錄

冬十月封子為王

以新紀修

十一月楊行密克揚州秦彥畢師鐸奔孫儒行密

自稱淮南畱後孫儒攻之

以通鑑修

閏十一月朱全忠兼淮

南節度使

以通鑑修

解題曰按新五代史全忠為蔡州四面行營都統討蔡州圍之百餘日不克時溥已為東南面都統全忠統行營而溥猶稱都統乃上書論溥討蔡無功而不落都統欲激怒溥以啓兵端新唐史傳賊平與全忠爭功嫌忌日構孫儒與楊行密爭揚州詔全忠為淮南節度使平其亂溥自以先起功名顯朝廷位都統顧不得而全忠得頗悵恨此方挑其隙彼乃成其怨則全忠可謂狡而溥可謂愚已此成敗之所以異也

事見通鑑

王建攻成都不克

以通鑑修

十二月淮西將趙德諲陷江陵

以新紀通鑑修

朱全忠陷濮州

解題曰全忠又將經營郾究也高若拙後史補曰全

忠

本文作梁祖後同

到梁園深有大志然兵力不足常欲外

掠又虞四境之難每有鬱然之狀時有薦敬秀才於門下乃白曰明公方欲圖大事輕動必為四境所侵但令麾下將士詐為叛者而逃即明公奏于主上及

告四隣以自襲叛徒為名金忠曰天降奇人以佐於  
吾通鑑考異曰蓋翔為溫畫策詐令軍士叛歸宣以  
為釁端也餘見通鑑

唐僖宗皇帝文德元年春正月帝出居于鳳翔以春秋修

寅孫儒殺秦彥畢師鐸新紀癸亥以朱全忠為蔡州四

面都統以新紀通鑑目錄修丙寅薛朗伏誅新紀二月己丑帝至

自鳳翔以新紀修庚寅改元以新紀修魏博軍亂殺樂彥楨其將

羅弘信自稱權知留後以新紀修

解題曰樂彥禎中和三年二月有魏博至文德元年  
共六年新傳稱七年誤也

三月戊戌朔日有食之既

新紀

壬寅帝大漸十軍十二

衛觀軍容使楊復恭立帝弟壽王傑為皇太弟更名敏

癸卯帝崩于靈符殿乙巳太弟即皇帝位

以新紀  
通鑑修

解題曰范祖禹曰宦者利於幼弱欲專威權以長而  
立則已無功故必有所廢置謂之定策夫立君以為  
天下而宦者以私一已既以援立為功未有不亂國

家者也事見通鑑

長安志靈符殿在東內

夏四月乙亥張全義襲河陽李罕之奔澤州

以通鑑修

壬午

孫儒陷揚州自稱淮南節度使楊行密奔廬州

以舊紀修

追

尊母為皇太后

新紀

韋昭度為中書令孔緯為司空

新

紀

李克用遣兵攻河陽朱全忠救之張全義以河陽洛

陽附全忠

以呂祖謙標目修

解題曰此克用之所以不得志於河南也

歸州刺史成汭陷江陵自稱留後尋以為荆南節度使

以新

舊紀傳  
通鑑修

五月趙德諲降

以新紀修

六月韋昭度罷以張全義為

祐國節度使

通鑑

解題曰祐國節度使見大厯元年東畿解題

秋七月以羅弘信為節度使

以通鑑修

冬十月陳敬瑄反

新

紀

辛卯葬靖陵廟號僖宗

以通鑑修

解題曰歐陽修曰唐自穆宗以來八世而為宦官所  
立者七君然則唐之衰亡豈止藩鎮之患蓋朝廷天  
下之本也人君者朝廷之本也始即位者人君之本

也其本始不正欲以正天下其可得乎懿僖當唐政之始衰而以昏庸相繼乾符之際歲大旱蝗民愁盜起其亂遂不可復支蓋亦天人之會歟

十一月朱全忠遣兵擊時溥大破之取宿州

以通鑑修

解題曰此全忠之初經營徐州也

辛酉奉國將軍申叢執秦宗權

新紀

十二月王建為求

平節度使

以通鑑修

解題曰永平節度使見開元七年劔南節度使解題



韋昭度為招討使討陳敬瑄

紀新修

是歲贈孟昭圖起居

郎常濟禮部員外郎

以實錄修

解題曰洪邁曰方時艱危救亡不暇而初政及此而通鑑失書之亦可惜也

大事記續編卷六十九

欽定四庫全書

大事記續編卷七十

明 王禕 撰

唐昭宗皇帝龍紀元年春正月癸巳改元

以新舊紀修

兵部

侍郎劉崇望同平章事

通鑑

壬子宣武軍將郭璿殺申

叢自稱奉國畱後

以新紀通鑑修

二月戊辰朱全忠俘秦宗權

以獻已丑宗權伏誅

新紀

解題曰按舊五代史全忠

本文作太祖後同

請判官韋震奏

事且疏時溥之罪願委討伐仍降滄

盧彥威

充朱二帥

之命時溥破黃巢功第一又與兗鄆連衡結中官為  
內援時溥忌全忠者復右之左拾遺徐彥樞亦請所  
在斬宗權不必陳獻俘之禮蓋以溥獻黃巢止函首  
故也震往復論列於天子前敢大言所請多允舊紀  
黃巢與宗權合巢雖平而宗權之兇徒大集西至金  
商陝號南極荆襄東過淮甸北侵徐兗汴鄭數十州  
民無耕織千室之邑不存一二歲既凶荒皆膾人而  
食宗權既平而朱全忠連兵十萬蠶噬河南兗鄆青

徐之閒血戰不解唐祚以亡餘見通鑑

三月孔緯為司徒杜讓能為司空

新紀

六月李克用拔

磁洺二州

解題曰此克用始得山東也

昭義節度使孟方立自殺其弟遷自稱留後

以新紀通鑑修

楊

行密陷宣州以為宣歙觀察使

以呂祖謙標目修

孫儒陷廬州

以通鑑修

冬十月王敬武卒其子師範自稱平盧留後

以新紀修

十一月帝改名曄

以通鑑修

己酉有事于南郊宦者始以法

服侍祠

以呂祖謙  
標目修

十二月孔緯為太保杜讓能為司徒

新紀

是歲以天威軍使李順節為天武都頭領鎮海節

度使

以通鑑修

以鍾傳為鎮南節度使

以方鎮表新五代史列傳修

解題曰按新五代史列傳以洪州為鎮南軍拜傳節

度使龍紀元年始復節度故書于此方鎮表乾元元

年置洪吉都防禦團練使觀察處置使領洪吉虔撫

袁治洪州宣歙饒觀察使治饒州二年廢宣歙饒觀

察使上元洪吉增領信州廣德更號江南西道大厯

元年復置宣歙池等州都團練觀察處置等使十四  
年置團練使建中升江南西道為節度使貞元元年  
廢置都團練觀察使四年增領江州咸通升為鎮南  
軍節度使乾符廢置江南西道觀察使龍紀復為鎮  
南節度使景福升宣歙為寧國軍節度使天復廢為  
都團練觀察使

唐昭宗皇帝大順元年春正月戊子上尊號改元

以新舊紀

修孟遷降于李克用

以通鑑修

三月李克用修卒李克用以決

勝軍使李克恭為昭義留後

以新紀修

以楊行密為寧國節

度使

以通鑑修

解題曰寧國節度使見龍紀元年鎮南節度使解題

五月以張濬為河東都招討宣慰使京兆尹孫揆為昭

義節度使副之以討李克用

以新舊紀傳修

解題曰新史贊昭宗初亦有志於興復而外患已成  
內無賢佐頗亦思得非常之材而用匪其人徒以益  
亂唐中世以來其為大患者藩鎮宦官而已使昭宗



得賢相如裴度德裕猶懼不濟而付之張濬之徒帝  
與濬論治亂濬曰陛下英睿如此而中外制於強臣  
此臣所以痛心疾首也上問以當今所急曰莫若強  
兵以服天下於是募兵至十萬人旋興太原之役一  
敗而不可收拾唐卒以亡昔子家羈之告魯昭公  
終始謂不可求多於季氏昭宗之君臣曾未之前聞  
乎孫甫曰昭宗即位世已亂矣雖志欲興復而大臣  
竭忠者杜讓能一人而已其他無不與方鎮相結孔

緯有名望尚交通朱全忠崔昭緯輩固宜交邠岐矣  
大勢橫流而昭宗輕信易動動而無謀何以制服諸  
鎮哉太原有平賊大功但為全忠所圖蓄忿不解若  
加之恩意虜性勁直感恩必深太原順則河東近輔  
鎮魏舊帥必順使讓能經營於內復引同心之賢贊  
助時政則朝廷漸治國威可振矣奈何不用其言而  
聽張濬之計許全忠舉兵致太原拒命讓能雖以死  
許國自是諸鎮交亂車駕不能寧處唐祚迄亡哀哉

事見通鑑

克用為全忠所攻上表訟寃請帥本道兵討之不用度支糧餉而朝廷不許全忠因

克用之敗上言請統汴滑孟三軍與河北三鎮共除之而朝廷許之所以然者由張濟私有怨於克用故也濟敗之後李存孝以濟為宰相得之無益天子禁兵不宜加害乃退軍以使之帥則猶有所顧忌官軍北伐朝廷仗全忠之助而乃連兵徐鄆身不至於行營則公肆欺罔忠者吾討之而反為所敗不忠者吾倚之而反為所欺是皆濟之罪也

壬寅昭義軍將安居受殺李克恭附于朱全忠

以新紀修

解題曰此李克用之失潞州也

六月辛未朱全忠兼宣義節度使

以舊五代史本紀修

解題曰宣義節度使見乾元二年汴滑節度使解題

河東將安知建以邢洺磁三州附于朱全忠

以新紀修

解題曰按舊紀是年六月李克用大將權知邢洺兵馬留後安知建上表請以三州歸順遣中使勞之此克用之始失山東也

秋八月李克用將李存孝執孫揆殺之

以新紀通鑑修

朱全忠

為中書令

新紀

九月李克用取潞州

以新紀修

解題曰此李克用之再得潞州也

冬十月李克用陷邢洺磁三州

新紀

解題曰此克用之再得山東也按舊五代史紀傳晉  
邢洺節度使安知建叛歸青州天子以為神武統軍  
自棣州沂河歸朝鄆州朱宣邀斬於河上傳首晉陽  
克用

本文作  
武皇

令存孝定邢洺因授之節鉞則克用之

失三州與復三州正在大順二年新舊唐史誤書於  
元年合以舊五代史為據

十一月張濟及李克用戰于陰地敗績

新紀

解題曰胡寅曰昭宗即位三年外諸侯雖擅兵未有問鼎者及伐河東不勝然後侵叛四起昭宗坐不安

席矣事見通鑑

方輿志陰地關在汾州靈石縣南二十七里十國紀年太原劉崇即帝位

屯兵於陰地黃澤圍栢三路聲言南討蓋此三路入太原之要路也

十二月李克用陷晉絳二州

以通鑑修孫儒據蘇潤二州

以通

修鑑是歲置昇州

以呂祖謙標目修

唐昭宗皇帝大順二年春正月丙辰朱全忠遣將攻羅

弘信大敗之于永定橋降之

以呂祖謙標目修

庚申孔緯張濬

罷兵部侍郎崔昭緯御史中丞徐彥若為戶部侍郎同

平章事二月濬再貶為繡州司戶

以新紀通鑑修

三月赦陳敬

瑄

以通鑑修

以王師範為節度使

以通鑑修

李克用以李存孝為

邢洺節度使

以通鑑修

夏四月庚辰彗星入于太微

以新紀修

王

建逐韋昭度守劔門關

以呂祖謙標目修

封子為王

以新紀修

秋七

月李克用陷雲州赫連鐸奔吐谷渾

以新紀修

孫儒焚揚州

渡江以逃

以新紀修

解題曰按十國紀年朱全忠屢遣使渡江約楊行密

同討儒儒衆雖盛畏行密與全忠合而已力分欲先  
平行密然後北討全忠七月儒焚揚州廬舍掠吏民  
及女口盡室南渡殺其老弱以給軍食使沈文昌草  
牒暴行密全忠罪告諸藩侯平宣汴當帥兵除君側  
之惡餘見通鑑

八月癸卯王建陷成都執陳敬瑄自稱西川留後

以新紀修

九月東川節度使顏彥朗卒其弟彥暉自知留後

以通鑑修

冬十月癸未以王建為節度使

以通鑑修

帝以李順節等討



楊復恭復恭奔興元楊守亮等拒命

以呂祖謙  
標目修

李克用

攻王鎔大破之

以通鑑修

十二月宦官殺李順節

以通鑑修

是歲

陳巖卒都將范暉自稱福建留後王潮攻之

以通鑑修

唐昭宗皇帝景福元年春正月己未朱全忠陷孟州

新

紀丙寅改元

以新舊  
紀修

王鎔李匡威攻堯山李克用大破

之

以通鑑修

二月以李茂貞為山南西道招討使討楊守亮

以通鑑修

朱全忠寇鄆州丁亥朱宣大破之

以新紀  
通鑑修

楊行密

陷常潤二州

以呂祖謙  
標目修

劉崇望罷

新紀

忠義節度使趙

德誼卒其子匡凝自立

以通鑑修

解題曰忠義節度使見至德元年南陽節度使解題

三月戶部侍郎鄭延昌為中書侍郎同平章事

以新紀修李

克用王處存攻王鎔戊午鎔擊敗之新市

以通鑑修

夏四月

杜讓能為太尉

新紀

乙酉以錢鏐為武勝防禦使

以通鑑修

解題曰武勝軍見乾元元年浙江東西道解題

六月楊行密大敗孫儒殺之秋七月還揚州

以呂祖謙標目修

八月以楊行密為淮南節度使

以通鑑修

李匡威赫連鐸攻

雲州丁酉李克用大破走之

以通鑑列傳修

辛丑李茂貞拔興

元楊復恭楊守亮等奔閬州

以呂祖謙標目修

冬十月李存孝

附于朱全忠

以新紀通鑑修

解題曰此李克用之再失山東也

十二月行崇玄歷

以通鑑修

是歲以顧彥暉為節度使

以新史列

修傳

唐昭宗皇帝景福二年春正月徐彥若罷

以新紀修

以李茂

貞為山南西道武定節度使不受命

以新紀通鑑修

三月李匡

威為其弟匡籌所逐匡籌自稱盧龍留後

以新紀修

夏四月

乙亥陳敬瑄田令孜伏誅

以新紀修

乙酉彗星入于太微

以新

紀修

丁酉王鎔殺李匡威

新紀

戊子朱全忠陷徐州殺時

溥

以新紀呂祖謙標目修

解題曰自是而全忠之勢益張矣

五月王潮陷福州殺范暉自稱留後

以新紀修

閏月以扈蹕

都頭曹誠等為諸道節度使六月諸王代掌禁兵

以呂祖謙

修標目

解題曰按新史兵志唐會要僖宗幸蜀田令孜募新軍五十四都每都千人左右神策各二十七都分為五軍令孜為左右神策十軍兼十二衛觀軍容使以左右神策大將軍為左右神策諸都指揮使諸都領都將亦曰都頭昭宗以藩臣跋扈天子孤弱以宗室典禁兵及伐李茂貞悉發五十四軍屯興平已而自潰乾寧元年同州節度使王行實入迫神策中尉請天子幸邠州帝御承天門敕諸王率禁軍捍之捧日

都頭李筠以其軍衛樓下帝幸筠軍扈蹕都頭李君實亦至帝出石門月餘乃還詔諸王閱親軍收拾神策亡散得數萬益置安聖捧宸保寧安化軍曰殿後四軍三年李茂貞再犯闕昭宗幸華州明年韓建畏諸王有兵請歸十六宅於是四軍二萬餘人皆罷俄遂殺十一王及還長安神策軍復稍置之以六千人為定是歲中尉劉季述王仲先以其兵千人廢帝季述等誅昭宗召朱全忠兵入誅宦官宦官却天子幸

鳳翔全忠圍之歲餘天子乃誅中尉等二十餘人以  
解梁兵乃還長安悉誅宦官而左右神策軍廢矣諸  
司悉歸尚書省郎官兩軍兵皆隸六軍六軍者左右  
龍武神武羽林名存而已

八月丙申以嗣覃王嗣周為京西招討使討李茂貞

以新

紀呂祖謙  
標目修

九月丁未以蘇杭觀察使錢鏐為鎮海節度

使

以舊  
紀修

李茂貞王行瑜拒官軍壬午嗣覃王嗣周敗績

甲申茂貞犯京師太尉杜讓能再貶為雷州司戶尋賜

死以東都留守韋昭度為司徒御史中丞崔胤為戶部

侍郎同平章事

以新紀通鑑修

昇州降于楊行密

以新紀修

冬十月

以王潮為福建觀察使

以通鑑修

十一月以李茂貞為鳳翔

山南西道節度使中書令秦王

以舊紀通鑑修

王行瑜為太師

號尚父

以通鑑修

十二月韋昭度為太傅

以新紀修

邵州刺史鄧

處訥陷潭州殺周岳自稱欽化留後

以新紀通鑑修

唐昭宗皇帝乾寧元年春正月乙丑朔改元

以新舊紀修

李

茂貞以兵來朝

以新紀修

以李臣籌為節度使

以通鑑修

二月朱



全忠大破兗鄆兵於魚山

朱熹綱目

解題曰魚山在東平府東阿縣一名吾山

散騎常侍鄭綮為禮部侍郎同平章事

以新紀修

以鄧處訥

為武安節度使

以通鑑修

解題曰武安節度使見大歷四年湖南解題

彰義節度使張鈞卒其兄礪自為留後

以新紀通鑑修

解題曰彰義節度使見大歷三年涇原節度使解題

三月甲申李克用克邢州殺李存孝

以新紀修

解題曰此克用之再收山東也

夏五月孫儒將劉建鋒馬殷陷潭州殺鄧處訥建鋒自

稱武安畱後

以新紀修

丙子王建克彭州殺威戎節度使楊

晟

以新紀修

解題曰威戎節度使見開元七年劔南解題

鄭延昌罷

新紀

六月李克用大破吐谷渾殺赫連鐸

通

鑑

戊午禮部尚書李磎同平章事庚申罷御史大夫徐

彥若為中書侍郎同平章事

以通鑑修

秋七月鄭綮罷

新紀

李茂貞克閬州八月楊復恭等伏誅

以通鑑  
新紀修

解題曰范祖禹曰小人無功猶不可長況其有功何以堪之故小人而有非常之功者國之不幸也復恭刑臣至與天子為敵昭宗親戰用大師而後克之其不臣如此由其恃援立之功故也豈不足為戒哉餘見通鑑

冬十月立子四人為王

以通鑑修

十一月以張璠為節度使

以通鑑修

十二月李克用大破李匡籌據幽州

以呂祖謙標目修

是

歲劉謙卒尋以其子隱為封州刺史

以通鑑修

唐昭宗皇帝乾寧二年春正月己巳給事中陸希聲為

戶部侍郎同平章事

通鑑

壬申王重盈卒其子珂自稱

護國留後

新紀

二月董昌稱帝

以呂祖謙標目修

乙未太子太

傅李磻為戶部侍郎同平章事

以新紀修

李克用以其將劉

仁恭為盧龍留後

以列傳呂祖謙標目修

三月崔胤李磻罷戶部

侍郎王搏為中書侍郎同平章事

以新紀修

夏四月宗室諸

王罷掌禁兵

以朱熹綱目修

解題曰胡寅曰昭宗欲使諸王將兵雖非上策然亦足以外攝藩鎮內制中官矣北司不便可也而南牙亦請罷之此必崔昭緯與邠岐為腹心耳小人姦邪視人主昏明剛柔而作止者也李克用有勞則伐之杜讓能忠計則殺之李順節出死力去叛奄則戮之然則大臣何所恃於君父哉昭緯崔胤張濬各倚藩鎮以為外援蓋由此也事見通鑑

陸希聲韋昭度罷

以通鑑修

戊戌以劉建鋒為節度使

通鑑

五月甲子王行瑜李茂貞及鎮國節度使韓建以兵來朝殺韋昭度李磎留邠寧鳳翔兵各二千人宿衛

以呂祖謙

標目  
修

解題曰鎮國節度使見大厯元年京畿解題

李克用討王行瑜等克絳州

以通鑑新紀修

六月庚寅以錢鏐

為浙東招討使

以新紀修

癸巳孔緯為司空門下侍郎同平

章事秋七月丙辰李克用屯河中匡國節度使王行約

走

解題曰匡國節度使見大歷元年京畿解題

辛酉左右神策軍中尉駱全瓘劉景宣等謀劫帝幸邠  
岐辛酉行在莎城甲子次石門

解題曰莎城鎮在啓夏門外屬京兆府萬年縣石門  
鎮在京兆府藍田縣西南四十里

以前護國節度使崔胤為中書侍郎同平章事八月克  
用屯渭橋全瓘景宣等伏誅辛丑以克用守太師邠寧  
招討使辛亥帝至自石門

以新舊紀年表列  
傳呂祖謙標目修

壬子崔昭

緯罷

新紀

以王珂劉仁恭為節度使

以通鑑修

九月徐彥若

為司空

新紀

癸亥孔緯薨

以新紀修

冬十月貶崔昭緯梧州

司馬

以通鑑修

京兆尹孫偓為兵部侍郎同平章事

以通鑑修

王

處存卒其子義成節度副使部自稱留後尋以為節度

使

以新舊紀傳修

解題曰通鑑不載舊史列傳部為留後朝廷從而命之授以旄鉞新史畧同今併書之

十一月李克用克邠州王行瑜伏誅

以呂祖謙標目修

丁丑王



建陷利州

新紀

十二月王建攻東川

以通鑑修

乙未爵李克

用晉王

以呂祖謙標目修

晉王克用請討李茂貞不許

呂祖謙標目

解題曰按新五代史晉兵破王行瑜還軍渭北請擊茂貞昭宗以謂晉遠而茂貞近因欲庇之以為德而冀緩急之可恃也茂貞殺其子自贖乃詔罷歸晉軍克用歎曰不誅茂貞憂未已也餘見通鑑

是歲安州防禦使宣晟陷桂州自稱知軍府事

以新紀修

唐昭宗皇帝乾寧三年春閏正月晉王克用遣兵救兗

鄆羅弘信襲之軍潰

以通鑑修

二月置殿後四軍以通王滋

判侍衛諸軍事

以通鑑修

夏四月晉王克用敗魏博兵遂攻

之

以朱熹綱目修

武安軍亂殺劉建鋒馬殷自稱留後

以新紀修

五

月董昌去帝號

以通鑑修

戊子崔昭緯伏誅

以呂祖謙標目修

錢鏐

充越州董昌伏誅

以呂祖謙標目修

朱全忠救魏博晉王克用

還

以稽古錄修

六月庚戌李茂貞犯京師嗣延王戒丕禦

之敗績秋七月壬辰行在渭北甲午韓建來朝丙申

次華州茂貞焚京師

以新紀呂祖謙標目修

解題曰按新五代史列傳昭宗將奔太原次渭北韓建遣子允請幸華州是時天子孤弱獨有殿後軍及定州三都將李筠等兵千餘人為衛以諸王將之建已得昭宗幸其鎮遂欲制之因請罷諸王將兵散去殿後諸軍累表不報昭宗登齊雲樓顧望京師酒酣與從臣悲歌泣下建心尤不說因遣人告諸王謀殺建劫天子幸他鎮昭宗召建將辯之建稱疾不出乃遣諸王自詣建建不見送諸王十六宅昭宗難之建

乃率精兵數千圍行宮請誅李筠昭宗大懼遽詔斬  
筠悉散殿後及三都衛兵幽諸王於十六宅昭宗益  
悔幸華遣延王戒丕使晉以謀興復戒丕還建與中尉  
劉季述誣諸王謀反以兵圍十六宅諸王皆登屋呼  
叫遂見殺昭宗無如之何建營南莊起樓閣欲邀昭  
宗遊幸因廢之而立德王裕其叔父豐謂建曰汝陳  
許間一田夫爾遭時之亂蒙天子厚恩至此欲以兩  
州百姓之地行大事覆族之禍吾不忍見不如先死

因泣下歔歔李茂貞朱全忠皆欲發兵迎天子建稍  
恐懼乃止餘見通鑑

宦者張承業監河東軍

以五代史  
列傳修

乙巳崔胤罷

新紀

丙

午尚書左丞陸扆為戶部侍郎同平章事八月甲寅王

搏罷乙丑國子博士朱樸為諫議大夫同平章事

以新  
紀修

九月庚辰以王潮為威武節度使

以通  
鑑修

解題曰威武節度使見大順二年福建解題

乙未武安節度使崔胤為中書侍郎兵部侍郎崔遠同

平章事丁酉陸宸貶刺史

以新紀修

冬十月晉王克用及羅

弘信戰于白龍潭敗之

以新紀修

解題曰竇苹音訓白龍潭在魏縣西今名萬歲潭

以孫偓為鳳翔行營節度都統招討處置使李茂貞請

罪師不果出

以新紀通鑑修

戊午威勝節度使王搏為吏部尚

書同平章事

以新紀修

解題曰威勝見乾元元年浙江東西道解題

以錢鏐為鎮海威勝節度使

以新紀通鑑修

是歲以劉隱為清

海行軍司馬

以通鑑修

解題曰清海見至德元年嶺南解題

唐昭宗皇帝乾寧四年春正月帝出居于華州

以春秋修乙

酉韓建圍行宮罷諸王領兵及殿後軍殺扈蹕都將李

筠

以新紀呂祖謙標目修

解題曰諸王於是再領兵而再罷矣

朱全忠陷鄆州執朱宣以歸殺之二月陷兗州朱瑾奔

淮南

以呂祖謙標目修

已未立德王裕為皇太子

新紀

馬殷陷

邵州以為武安節度使

以新舊五代史修

夏四月遣使和兩川

以通鑑修

五月丙戌王建攻東川六月甲寅貶建為南州刺史

史乙卯以李茂貞為西川節度使嗣覃王嗣周為鳳翔

隴右節度使茂貞不受命嗣周及茂貞戰于奉天敗績

以新紀修

晉王克用徵兵於劉仁恭不從秋八月擊之

以新史列

傳呂祖謙

韓建殺諸王

呂祖謙

標目修

解題曰胡寅曰御得其道則昆蟲草木無札瘥天關之患不然一身無所容於天地之間况妻子哉古之



明君所以不敢不敬德不敢不教子不敢用小人不敢失大柄為末流之至此也唐室至此豈非祖宗詒謀有未遠歟事見通鑑

九月晉王克用攻劉仁恭大敗

以稽古錄修

以彰義節度使

張璉為鳳翔行營招討使

以通鑑修

復以王建為節度使

以通

修鑑

朱全忠屯宿州遣武寧留後龐師古泰寧留後葛從

周擊楊行密

以呂祖謙標目修

解題曰按新舊紀傳文德元年以兼有濟孟之地無

西顧之患將大整師徒畢力誅蔡九月知宗權殘孽不足為患遂移兵伐徐景福二年拔彭城命龐師古移兵攻兗州乾寧四年九月以兗鄆既平軍士雄勇

大舉南伐事見通鑑

十一月淮南大將朱瑾潛出舟師襲汴軍於清口龐師古舉軍

皆沒師古被執時葛從周自霍丘渡淮至濠州聞師古敗乃退軍至淝河方渡而瑾至殺傷溺死殆盡還者不滿千人唯牛存節一軍先渡獲免比至潁州大雪寒凍死者十五六自古喪師之甚無如此此行密所以能立國也清口見晉大寧二年宋大明二年解題淝水水經出廬江北入于淮注出弋陽縣南垂山東北逕博安山逕安豐縣故城

冬十月以韓建為鎮國匡國節度使

以通鑑修

遂州叛降于

王建建陷東川殺顧彥暉以卬州刺史王宗滌為留後

以呂祖謙標目修

立子三人為王

以通鑑修

十一月癸酉楊行密大

敗龐師古於清口殺之又敗葛從周於淠水朱全忠遁

以呂祖謙標目修

戊寅立淑妃何氏為皇后

以通鑑修

十二月丁未

王潮卒其弟審知自稱威武留後

以呂祖謙標目修

是歲貶右

拾遺張道古為施州司戶

以通鑑修

唐昭宗皇帝光化元年春正月帝出居于華州

以春秋修徐

彥若為司徒

新紀

下詔罪已息兵二月復以李茂貞為

鳳翔節度使

以通鑑修

三月朱全忠無天平節度使其從事

李振為副使

以舊五代史紀傳修

解題曰按舊史本紀朱全忠遣判官韋震奏事求無

領鄆州時全忠軍敗之後欲自大其權以柅藩隣之

變餘見通鑑

劉仁恭襲逐盧彥威遂取滄景德三州以其子守文為

義昌留後

以呂祖謙標目修

夏四月朱全忠陷洺州五月陷邢

磁二州

以舊五代  
史本紀修

解題曰李克用於是三失山東矣

秋七月壬戌帝至自華州甲子改元

以呂祖謙  
標目修

八月以

太子賓客張有孚為河東汴州宣慰使朱全忠不受命

以通鑑修

九月羅弘信卒其子魏博節度副使紹威自稱留

後

以新紀  
通鑑修

冬十月癸卯以王審知為節度使

以通鑑修

丁巳

以王宗滌為節度使

以通鑑修

十一月以羅紹威為節度使

以通鑑修

封子二人為王

以新紀修

十二月昭義節度使薛至勤

卒澤州刺史李罕之據潞州附于朱全忠

以通鑑修

解題曰此李克用之再失潞州也

唐昭宗皇帝光化二年春正月丁未崔胤罷兵部尚書

陸扈同平章事

以新紀修

楊行密攻徐州朱全忠救之

以通鑑修

劉仁恭陷貝州遂攻魏州三月朱全忠遣將救之仁恭

大敗丁巳全忠陷澤州夏四月遂攻太原晉將周德威

敗走之

以通鑑舊紀修

晉王克用攻潞州

以通鑑修

六月保義軍亂

殺王珙其將李璠自稱留後

以新紀通鑑修

解題曰保義軍見大厯元年東畿解題

秋八月己巳晉王克用陷澤潞懷三州

以新紀修

解題曰克用於是三得潞州矣

九月癸卯以李茂貞為鳳翔彰義節度使

以通鑑修

以汾州

刺史孟遷為昭義留後

以通鑑修

冬十一月徐彥若為太保

王搏為司空

新紀

馬殷陷郴連二州盡據湖南

以新紀呂祖謙

標目修

辛丑保義軍將朱友謙殺李璠自稱留後

以新紀通鑑修

唐昭宗皇帝光化三年夏四月朱全忠遣葛從周擊劉

仁恭五月己亥圍滄州

以通鑑修

六月丁卯以清海節度使

崔肩為左僕射同平章事王搏罷己巳殺之

以新紀修

葛從

周大破劉仁恭於老鵝堤晉王克用遣李嗣昭攻邢洺

以救之

以通鑑修

解題曰老鵝堤在乾寧軍

秋七月庚戌以孟遷為節度使

以通鑑修

九月乙巳徐彥若

罷丙午崔遠罷戊申刑部尚書裴贄為中書侍郎同平

章事

以新紀修

朱全忠攻鎮州不克遣將擊劉仁恭陷瀛州



冬十月陷景莫二州辛巳陷祁州

以新紀修

解題曰全忠於是服河北矣

以朱友謙為節度使

以通鑑修

朱全忠遣兵攻定州義武兵

馬使王處直禦之大敗甲申王郜奔晉陽處直自為留

後附于全忠劉仁恭遣兵救定州大敗由是河北諸鎮

皆服全忠

以通鑑新紀修

十一月庚寅左右神策軍中尉劉季

述王仲先等作亂帝居少陽院辛卯立太子裕為帝

以新紀

紀通鑑修

是歲馬殷陷桂宜巖柳象五州

新紀

唐昭宗皇帝天復元年春正月乙酉朔神策軍將孫德昭等討亂帝復位劉季述等伏誅黜太子裕為德王戊戌以德昭為靜海節度使賜姓名李繼昭

以新紀修

解題曰按新舊史列傳神策軍大將軍孫德昭常忿閹尹廢辱天子崔胤伺知之令判官石戩與游伺其深意每酒酣德昭泣下胤乃使戩說曰今中外大臣自廢立已來無不含怒至於軍旅亦懷憤惋今反者獨季述仲先耳君能誅此二豎復帝寶位垂名萬代

今正其時即不早計功落他人之手德昭謝曰予軍吏耳社稷大計不敢自專如相公委使不敢避也肩割帶納蜜丸通意德昭邀別將周承誨期十二月晦伏士安福門待旦仲先肩輿造朝德昭等劫之斬東宮門叩少陽院

宋敏求長安志翰林院北少陽院

呼曰逆賊斬矣帝

疑未信皇后曰可獻賊首德昭擲仲先頭以進宮人

毀扉出御長樂門

兩京記宮城南門東曰長樂門

羣臣稱賀承誨馳

入左軍執劉季述王彥範至樓前帝詰季述未已已

為亂棒擊死乃尸之

實錄劉季述知崔胤遣使告朱全忠欲盡殺兩司官以浚醋為

號後即弑逆於東內挾少主而專大權程匡柔唐補紀南班柳承謙令左軍李繼以難告呼出季述擒上

馬至樓前

兩軍支黨死者數十人中官奉太子遁入左軍

收傳國璽季述等夷三族以德昭檢校太保靜海軍

節度使同中書門下平章事賜氏李曰繼昭承誨檢

校司徒邕管節度使皆號扶傾濟難功臣圖形凌煙

閣餘見通鑑

癸巳爵朱全忠東平王

以通鑑修

壬子崔胤為司空

新紀

李

茂貞來朝進爵岐王守尚書令

以通鑑修

解題曰景福二年茂貞逼京師朝廷不獲已為之殺宰相始肯罷兵明年來朝大陳甲兵遂啓問鼎之端明年挾韓建行瑜偕來遂謀廢立之舉又明年兵逼京畿則播越華州矣及光化之末茂貞亟來遂劫遷鳳翔矣况尚書令之官太宗由之以登大位未嘗輕以授人前日不以俾王行瑜而茂貞偃然居之充是以往將何所不至哉事見通鑑

崔胤陸扆請分主左右軍不從以樞密使韓全誨鳳翔監軍張彥弘為左右神策軍中尉

解題曰按新史列傳劉季述之誅崔胤陸扆見武德殿右廡胤曰自中人典兵王室愈微臣請主神策左軍扆主右則四方藩臣不敢謀昭宗意不決李茂貞語人曰崔胤奪軍權未及手志滅藩鎮矣帝聞召李繼昭等問以胤所請對曰臣世世在軍不聞書生主衛兵且罪人已得持軍還北司便帝謂胤曰議者不

同勿庸主軍乃以全誨為左神策中尉彥弘為右表  
易簡周敬容為樞密使餘見通鑑胡寅曰崔杼之言  
其心雖私其策則是冢宰六卿之長於事無所不統  
況兵權有國之司命而可不豫知乎但不當分為左  
右通掌可也彼三武夫固北司之隸也夫豈足與謀  
乎

畱岐兵三千人宿衛諫議大夫韓偓諫不聽

以新史  
列傳修

解題曰按程匡彛唐補紀其月八日李茂貞朝覲畱

二千入左右街侍衛而回崔肩申朱全忠請三千人  
在南坊宅側安下新史列傳韓全誨等知崔肩必除  
已乃已因諷茂貞留選士四千宿衛以李繼筠繼徽  
總之肩亦諷朱全忠內兵二千居南司以婁敬恩領  
之韓偓聞汴岐交戍數諫止肩肩曰兵不肯去耳偓  
曰初何為召耶肩不對通鑑考異據韓偓金鑾密記  
謂肩召茂貞入朝仍留其兵若如補紀所言則昭宗  
西幸時兩道兵必先鬪於闕下否則汴兵皆為宦官



所誅否則皆先遁去今皆無此事肩所以欲留茂貞  
兵者蓋以茂貞自以誅季述為已功必能與已同心  
讐疾宦官耳今從之又據密記九月偃又奏云本駐  
侍衛兵馬制伏宦者今勅使衛兵合為一體甚難為  
計乞差使宣示茂貞且說其僭慢之狀速令抽退衛  
軍無遣人密與李繼徽語使其止遏具言人情忿怒  
如此則東諸侯之師旦夕必至於國家何利於卿家  
亦何利繼徽必竭力匡扶今日狀候臣春初已知必

至此盖脗為一二人所誤不計其所終當駐兵之時  
臣屢與脗力爭脗無以對臣與脗言累日言於令狐  
瀉請極力發遣瀉云若無岐軍則上公必為內官所  
圖臣曰無兵則國家俱安有兵則國家難保脗良久  
謂臣曰必當萬計斷送翌日臣又見脗脗云且喜岐  
兵只駐三千人臣曰只數十人便可為患况三千人  
耶脗不樂而罷上下無不痛惜此事今朕兆已成悔  
之無及臣料脗之謀急則召東諸侯兩鎮之兵鬪於

闕下朝廷危矣上曰只有且用繼徽又十月上曰金忠軍勢恐必來若到闕下兩軍相見必大段不安熟為籌之對曰全忠亦未便輕進必且往河中或駐陝府以候勅分乞陛下處分崔胤飛書與全忠貽書茂貞云宦官叛逆聖上不安勅分處分皆不遵承天下人情以為不可某今領兵以進君側必望令公同成勲烈便請抽却侍衛兵士并便擒捉罪人致於明庭虔候聖旨苟茂貞不肯抽軍詔全忠赴闕下觀此則

當時不曾畱汴兵新傳補紀之言未可憑也

東平王全忠陷絳晉二州

解題曰按實錄全忠既服河朔三鎮欲窺王室篡代之謀益露以李克用在太原懼兵犄角乃襲河中餘見通鑑

二月戊辰陷河中執王珂封全忠梁王

以新紀修

解題曰全忠自是以河中為巢穴矣按舊五代史自王重榮帥河中至珂三世二十年又云克用自是不

能援京師霸業由是中否

戶部侍郎王溥為中書侍郎吏部侍郎裴樞為戶部侍郎

郎同平章事

以新紀修

三月梁王全忠陷沁澤二州攻潞州

降孟遷夏四月丁巳陷遼州己未拔承天軍

以通鑑新紀修

解題曰克用於是三失潞州矣

承天軍在太原府廣陽縣今屬平定軍往

年葛從周自土門攻河東拔之今日奉德會成德兵自井陘入又拔之

丁丑大赦改元雪王涯等十七家

以通鑑修

解題曰韓偓金鑾密記上問崔胤請於兩軍取鹽麴

如何對曰鹽麴本度支課利張濬判使日楊復恭奏  
請權借一年自此索未得今度支庶事不濟若復舊  
制公用稍寬上然之按此係鹽麴二事通鑑止云賣  
麴之利何也

汴兵圍太原不克五月還

呂祖謙  
標目修

梁王全忠自為宣武

宣義天平護國節度使

呂祖謙  
標目修

六月梁王全忠如河

中

以通鑑修

晉王克用陷隰慈二州

以新紀修

崔胤召梁王全忠

秋七月還汴冬十一月己酉朔梁王全忠陷同州

以呂祖謙

修標目

解題曰全忠又兼并關中矣

壬子韓全誨等劫帝西幸

以新紀修

解題曰范祖禹曰崔胤本與韓全誨有隙故各倚強藩以為外援而岐汴亦憑宦官宰相以制朝廷故胤召全忠而全誨劫帝西幸唐室之亡由南北司相吞滅而人主受其禍豈不足為將來之永鑒哉事見通鑑

鑑

梁王全忠徙韓建為忠武節度使取華州

以呂祖謙  
標目修

壬

成帝至自鳳翔

以通鑑修

丁卯兵部侍郎盧光啓為諫議大

夫叅知機務

以新紀修

戊辰梁王全忠軍鳳翔

以通鑑修

甲戌崔

胤裝樞罷

新紀

丁丑梁王全忠陷邠州降節度使楊崇

本

以舊五代史本紀修

是歲清海節度使徐彥若卒劉隱自稱畱

後

以呂祖謙  
標目修

解題曰自是河東不敢出兵者五年

遣金吾將軍李儼拜楊行密為東面都統中書令吳王



以討朱全忠

以通鑑修

夏四月盧光啓罷

以新紀修

五月爵錢鏐

越王

以通鑑修

六月丙子中書舍人蘇檢為兵部侍郎同平

章事

以新紀修

丁丑梁王全忠軍號岐王茂貞擊之大敗

以呂祖謙  
標目修

解題曰按新舊史傳全忠攻鳳翔居華州為全忠

畫王之策先是全忠雖據河南憚強諸侯未敢萌問

鼎之志及得肩為鄉導乃電擊潼關始謀移國自古

與盜合從覆亡宗社無如肩之甚餘見通鑑

吳王行密陷昇州

以呂祖謙  
標目修

吳王行密發兵討梁至宿

州而還

以通鑑修

秋七月梁王全忠陷成隴二州

以新紀  
通鑑修

解題曰全忠又兼併秦隴矣

八月韋貽範起復

新紀

越將徐綰作亂

以通鑑修

王建陷興

元

以新紀  
通鑑修

九月丁未岐王茂貞及梁王全忠戰于槐林

敗績

以新紀  
修

解題曰按敬翔朱梁開創遺編錄李茂貞於東門大

出兵步卒皆於槐林排陣全忠出軍殺戮騎兵奔入

北門則槐林止在鳳翔府門外爾

癸亥以岐王茂貞為鳳翔靜難武定昭武節度使

以通鑑修

解題曰昭武節度使見大歷二年山南西道解題

吳將田頔攻杭州

以通鑑修

冬十月吳王行密建制敕院

以通

修鑑王建陷興州

新紀

十一月癸卯朔保大節度使李周

彝救鳳翔

以舊五代史本紀修

解題曰保大節度使見建中四年渭北節度使解題

梁王全忠陷坊鄜二州

以呂祖謙標目修

韋貽範薨

以新紀通鑑修

十

二月李周彝降于梁

以新舊五代史紀修

吳王行密召田頔頔以

徐綰歸

以通鑑修

唐昭宗皇帝天復三年春正月帝出居于鳳翔

以春秋修

師範起兵討梁王全忠丙午其行軍司馬劉鄩取兗州

以新紀通鑑修

戊申韓全誨等伏誅甲子帝幸梁王全忠營丁

卯工部尚書崔胤為門下侍郎同平章事乙巳帝至自

鳳翔哭于太廟

解題曰王容曰帝在鳳翔凡一年有餘而還朱全忠

自是竊國柄矣

庚午崔肩以全忠殺宦官七百餘人

解題曰歐陽修曰自古宦者亂人之國其源深於女禍女色而已宦者之害非一端也蓋其用事也近而習其為心也專而忍能以小善中人之意小信固人之心使人主必信而親之待其已信然後懼以禍福而把持之雖忠臣碩士列于朝廷而人主以為去已踈遠不若起居飲食前後左右之親為可恃也故前

後左右者日益親則忠臣碩士日益踈而人主之勢  
日益孤勢孤則懼禍之心日益切而把持日益牢安  
危出其喜怒禍患伏於帷闥則向之所謂可恃者乃  
所以為患也患已深而覺之欲與踈遠之臣圖左右  
之親近緩之則養禍而益深急之則挾人主以為質  
雖有聖智不能與謀謀之而不可為為之而不可成  
至其甚則俱傷而兩敗故其大者亡國其次亡身而  
使姦豪得借以為資而起至挾其種類盡殺以快天

下之心而後已此前史所載宦者之禍常如此者非  
一世也夫為人主者非欲養禍於內而疎忠臣碩士  
於外蓋其漸積而勢使之然也

辛未肩判六軍十二衛事

以舊紀通鑑修

吳王行密遣兵擊杜

洪

以通鑑修

二月甲戌陸扆貶為沂王傅

新紀

丙子王溥罷

新紀

梁王全忠殺蘇檢及吏部侍郎盧光啓

以新紀修

己卯

以輝王祚為諸道兵馬都元帥庚辰梁王全忠自為守

太尉副之

以新紀通鑑修

崔胤為司徒

新紀

以檢校禮部尚書

敬翔為太府卿

以舊五代史  
列傳通鑑修

解題曰按新五代史列傳昭宗自岐還長安召翔與

李振升延喜樓勞之拜太府卿初全忠

本文作太  
祖後倣此常

侍殿上昭宗意衛兵有能擒之者乃佯為鞋結解以

顧全忠全忠跪而結之而左右無敢動者全忠流汗

洽背自此稀復進見昭宗遷洛陽宴崇勲殿酒半起

使人召全忠入內殿將有所託全忠益懼辭以疾昭

宗曰卿不欲來可使敬翔來全忠遽麾翔出亦佯醉



去事見通鑑

癸未貶翰林學士承旨韓偓為濮州司馬

以通鑑修

解題曰按偓詩集自貶濮州後其詩皆以甲子自記所在豈亦欲效陶潛之於宋耶乙丑天祐二年也在素州得人賀除承旨有詩丁卯梁開平元年也聞再除前職又有詩皆言不往之意是兩召皆辭癸酉乾化二年也載其在南安之作終身不食梁祿大節與司空圖畧相等

乙未清海節度使裴樞為門下侍郎同平章事

以新紀修梁

王全忠留兵萬人于京師戊戌還鎮

以通鑑修

解題曰茂貞留兵三千而昭宗遷鳳翔全忠留兵萬

人而昭宗遷洛陽矣事見通鑑

三月梁王全忠遣兵圍兗州自將圍青州

以通鑑修

成汭及

馬殷救杜洪

以通鑑修

夏四月梁王全忠判元帥府事

以新紀修

五月馬殷遣將襲江陵庚戌陷之成汭及吳將戰於君

山敗死

以新紀通鑑修

崔胤募衛兵

以通鑑修

解題曰昭宗再使諸王掌兵而茂貞韓建間之崔胤召募衛兵而朱全忠忌之猶太阿之倒持也事見通

鑑

六月王師範以吳兵擊梁將朱友寧大破斬之

以新紀通鑑修

秋八月戊辰朔梁王全忠留其將楊師厚攻青州而還

以通鑑修

庚辰爵王建蜀王守司徒

以通鑑修

吳宣潤二州作亂

遣將討之

以通鑑修

九月癸卯楊師厚大破王師範降之遂

陷淄青二州

以呂祖謙標目修

解題曰按舊五代史李振至青州王師範即日受代而疑撓特甚屢揮泣求貸其族振諭之曰公不念張繡事耶繡與曹公為敵袁紹遣使招繡賈詡曰曹公不以私讐為意不宜疑之今梁王亦豈以私害忠賢耶師範大悟梁王表振為青州留後餘見通鑑

冬十月蜀王建陷夔州

以呂祖謙標目修

劉鄩降梁

以通鑑修

趙匡

凝襲荆南取之以其弟匡明為留後

以通鑑修

岐王茂貞及

楊崇本兵逼京畿

以舊紀通鑑修

十二月乙亥吳克宣州殺寧

國節度使田頔

以通鑑修

裴贄罷禮部尚書獨孤損為兵部

侍郎同平章事

以新紀修

丙申梁王全忠殺致仕張濬

以新紀修

唐昭宗皇帝天祐元年春正月乙巳梁王全忠表罷崔

胤為太子少傅兵部尚書崔遠為中書侍郎右拾遺柳

璨為右諫議大夫同平章事戊申胤等伏誅

以新紀修

解題曰按新舊史列傳初天子還宮全忠東歸胤以

事權在已慮全忠急於篡代乃與鄭元規謀招致兵

甲以扞李茂貞為辭全忠知其意許之元規為六軍

諸衛副使陳班為威遠軍使毀浮圖取銅鐵為兵仗  
全忠陰令汴人數百應募以其子友倫入宿衛會為  
毬戲墜馬死全忠疑肩陰計大怒時傳肩將挾帝幸  
荆襄而全忠方謀脅乘輿都洛懼其異議密表肩專  
權亂國請誅之即罷為太子少傅令其子友諒以兵  
圍開化坊第

萬年縣朱雀街東從北第二坊

殺肩汴士皆出市人爭

投瓦礫擊其屍元規班皆死餘見通鑑

己酉梁王全忠屯河中劫帝遷都洛陽二月乙亥帝至

陝全忠來朝

以新紀  
通鑑修

解題曰按汴水滔天錄鑾輿幸陝州其夕宿寶應縣

夜分雪甚凍死者萬餘人餘見通鑑

封子五人為王

以新紀  
修

三月丁未全忠兼判左右神策及

六軍諸衛

以新紀  
通鑑修

以長安為佑國軍韓建為節度使

以呂

祖謙標  
目修

解題曰通鑑考異曰河南府先已為佑國軍今京兆

府乃與同名者蓋車駕既在河南則無用軍額故移

其治於京兆耳天祐三年鄭賓猶為西京留守判官  
然則雖立軍額京名尚在

吳遣兵擊杜洪

朱熹綱目

閏四月甲辰帝自西都至洛陽乙

巳改元戊申以宮苑使蔣玄暉為宣徽南院使兼樞密

使

以呂祖謙標目修

爵錢鏐吳王

以通鑑修

爵長沙郡王羅紹威鄴

王

以通鑑修

五月辛未梁王全忠還鎮

以通鑑修

六月岐王茂貞

晉王克用蜀王建楊崇本等傳檄討梁王全忠秋七月

壬申全忠屯河中八月壬寅使蔣玄暉等弒帝癸卯立



輝王祚為皇太子更名杞丙午即皇帝位九月己巳尊

皇后為皇太后辛未全忠還鎮

以新舊史紀通鑑修

解題曰按新五代史列傳當殺昭宗時諸王宗屬數百人皆遇害而同為一坎瘞於龍興寺北餘見通鑑范祖禹曰唐末藩鎮惟李克用最為有功雖嘗跋扈而終不失臣節若倚為藩翰使太原之勢常重則諸鎮未敢窺唐也而唐以其戎狄之人疑而不信是以不競於汴而全忠獨強吞噬諸鎮卒滅唐室自古忠

者不見信而信者不忠豈有不亡者乎

冬十月辛卯朔日有食之

通鑑

癸巳梁王全忠來朝歸

罪於左右龍武統軍朱友恭氏叔琮而殺之乙巳還鎮

以新舊  
紀修

解題曰孫愐唐韻氏字子盈切猗氏縣名

十二月以劉隱為節度使

以通鑑修

唐昭宗皇帝天祐二年

解題曰宋庠紀年通譜不敢改元忌全忠之逼也

春正月吳王行密克潤州

以新紀通鑑修

庚子吳克鄂州殺杜

洪

以呂祖謙標目修

二月戊戌梁王全忠殺德王裕等九人

朱熹

綱目

已酉葬和陵廟號昭宗

以通鑑修

解題曰歐陽修贊曰自古亡國未必皆愚庸暴虐之君也其禍亂之來有漸積及其大勢已去適丁斯時雖有智勇有不能為者矣可謂真不幸也昭宗為人明雋初亦有志於興復而外患已成內無賢佐頗亦慨然思得非常之材而用匪其人徒以益亂自唐之

亡更五代五十餘年至於天下分裂大壞極亂而後止跡其禍亂其積漸豈一朝一夕哉

三月裴樞獨孤損罷禮部侍郎張文蔚同平章事甲申

崔遠罷吏部侍郎楊涉同平章事

以新紀修

夏四月庚子彗

星見西北甲辰出于北河

以朱熹綱目修

五月梁王全忠貶裴

樞獨孤損崔遠陸扈王溥為外州司戶六月戊子朔殺

樞等三十餘人

以呂祖謙標目修

解題曰范祖禹曰白馬之禍至今悲之歐陽修有言

一太常卿與社稷孰為重使樞等不死尚惜一卿其肯以國與人乎雖樞等之力不能存唐必不亡唐而獨存也是不然昭宗返自鳳翔篡奪之勢成矣樞乃被其薦引為宰相全忠之劫遷也昭宗未及下樓樞受賊旨已率百官出長安東門昭宗卒以弑殞而唐遂亡由此觀之樞為忠於李氏乎忠於朱氏乎且長安與一太常卿孰重國亡君弑與流品不分孰急樞不惜長安以與全忠乃惜一卿不與廷範不恤國亡

君弑而恤流品之不分其愚豈不甚哉夫樞非有忠義之心能為社稷也不勝利欲之心畏全忠而附之弑其君父既從之矣以為除太常卿小事也持之不與未必咈全忠之心欲微示人以至公而不意全忠之怒至此也全忠以為此小事也猶不從已其肯聽已取天下乎是以肆其誅鋤無所不至不知樞等實非能為唐輕重乃全忠疑之過也使樞等有存唐之心當全忠之劫遷端委而受刃於國門天下忠義之

士聞之必有奮發而起者矣樞不為此而惜一卿不  
死於昭宗之弑而死於廷範之事處身如此豈能為  
國慮乎白馬之禍蓋自取之也事見通鑑

秋七月卜郊

新紀

八月徵前禮部員外郎司空圖尋放

還山

以朱熹綱目修

梁王全忠擊趙匡凝九月陷襄陽匡凝奔

淮南丁卯趙匡明奔成都梁王全忠陷荆南

以呂祖謙標目修

解題曰全忠又規度漢南也事見通鑑

封第二人為王

以新紀修

乙酉改卜郊

新紀

冬十月丙戌朔

梁王全忠自為諸道兵馬元帥

以通鑑修

改昭宗廟號曰襄

宗

以通鑑修

梁王全忠攻吳弗克十一月還

以呂祖謙標目修

庚午

三卜郊

新紀

庚辰吳王行密薨其子淮南留後渥自稱

節度大使東面都統弘農郡王

以新史列傳通鑑修

辛巳梁王全

忠自為相國魏王加九錫十一月自為天下兵馬元帥

復不受蔣玄暉伏誅

以新紀修

柳璨為司空

新紀

己酉梁王

全忠弒皇太后

以新紀通鑑修

辛亥罷郊

新紀

癸丑貶司空柳

璨為登州刺史甲寅璨及太常卿張廷範伏誅

以新紀修



唐昭宗皇帝天祐三年春正月庚午鄴王紹威以梁王

全忠誅牙兵

以通鑑修

三月戊寅梁王全忠自為鹽鐵度支

戶部三司都制置使復不受

以通鑑修

解題曰三司之名始此

夏四月癸未朔日有食之

通鑑

鎮南節度使鍾傳卒其

子匡時自稱畱後

以新紀修

解題曰按新五代史列傳傳居江西三十餘年蓋自

乾符四年已陷撫州矣

天雄軍亂梁王全忠討平之秋八月克相州而還

以新紀通

鑑修

九月梁王全忠攻滄州

以通鑑修

楊偓克洪州自兼鎮南

節度使

以呂祖謙標目修

楊崇本以鳳翔涇原鄜延秦隴之兵

攻夏州

以新紀通鑑修

解題曰按新紀書楊崇本會鳳翔涇原鄜延秦隴兵

以討朱全忠蓋六鎮也通鑑書靜難節度使以鳳翔

保塞彰義保義之兵攻夏州則五鎮也保塞延州也

彰義涇原也保義陝虢也鄜州時為保大軍秦隴時

為保勝軍通鑑蓋闕保勝而又誤以保大為保義也

劉仁恭救滄州兵始文面

以呂祖謙  
標目修

解題曰胡寅曰伊訓曰臣下不匡其刑墨孔安國曰  
鑿其額以墨涅之呂刑曰苗氏淫為劓剕桷黥孔安  
國曰黥其面也然則涅其額者乃五刑之正而黥其  
面者乃五虐之法也至劉仁恭朱全忠籍民為兵無  
罪而黥之使終身不能去非至不仁者孰忍為也其  
可以為故常而無改易耶事見通鑑

冬十月丙戌蜀王建承制封拜

以通鑑修

晉王克用攻潞州

以救燕

以通鑑修

梁王全忠遣匡國節度使劉知俊救夏州

大敗楊崇本于美原

以新紀通鑑修

解題曰同州唐曰匡國梁改忠武後唐復匡國美原

京兆府縣

梁王全忠以潁州防禦使高季興為荆南留後


以呂祖謙標目

修閏十二月晉王克用陷潞州昭義節度使丁會降晉

梁王全忠還

以呂祖謙標目修

解題曰李克用於是三得澤潞矣



大事記續編卷七十